

ZAPISNIK

sa 14. sjednice Upravnog odbora
Skijaškog/Smučarskog saveza Bosne i Hercegovine, održane 11.08.2016. godine u 18.00 sati
u prostorijama Ski saveza BiH u Sarajevu

Prisutni: Đelal Hasečić, Mario Laikert, Miro Đukić, Zdravko Lasica, Milovan Jevtović, Muris Pozderac, Vlado Lučić, Jasmin Mehić, Kenan Jažić članovi Upravnog odbora, Jelena Dojčinović Generalni sekretar.

Odsutni: Ismar Biogradlić, Radenko Pekić

Đelal Hasečić je otvorio sjednicu i predložio dnevni red.

DNEVNI RED:

1. Usvajanje zapisnika sa 13. sjednice Upravnog odbora;
2. Oprema HH – Donacija - Podjela
3. Imenovanje trenera reprezentacije u alpskom skijanju
4. Reprezentacije BiH – alpsko skijanje, ski trčanje, biatlon i snowboard-sezona 16/17
5. Nabavka opreme za reprezentacije
6. Usvajanje prijedloga klubova za organizaciju međunarodnih takmičenja
7. Razno

Dnevni red je jednoglasno usvojen.

Ad. 1.

Zapisnik sa 13. sjednice je jednoglasno usvojen. Mehić Jasmin je predložio da se zapisnici sa sjednica Upravnog odbora šalju entitetskim savezima kako bi bili u tiku sa radom UO. Jednoglasno usvojen prijedlog da se zapisnici šalju entitetskim savezima.

Ad.2.

Uvodnu riječ dao Đelal Hasečić kazavši da se radi o izuzetno vrijednoj opremi koju je donirala organizacija YOG 2016 odnosno grad Lillehammer. Hasečić je predložio da se zahvalimo ljudima u Lillehameru i da im odamo neku vrstu priznanja i da ih pozovemo da budu naši gosti u BiH.

Jelena Dojčinović je predočila prijedlog podjele opreme:

1. Klubovima – registrovanim takmičarima u prošloj sezoni i trenerima i to po broju takmičara: do 10 takmičara – 2 trenera, do 20 takmičara – 4 trenera, do 30 takmičara – 5 trenera, do 40 takmičara – 6 trenera.
2. Članovi Upravnog odbora
3. Reprezentacije
4. Članovi komisija
5. Sudijama po spisku sudijske komisije 50 odijela: 20 ski trčanje/biatlon, 30 alpsko skijanje
6. Članovi Skupštine
7. 10 odijela ostaviti u Ski savezu BiH
8. Tehničkim organizatorima međunarodnih takmičenja: Jahorina, Romanija, Istočno Sarajevo, Ilidža, SSK, Free Style – 15 odijela
9. Ski centrima, nakon što se podjeli oprema svim tijelima Saveza u zavisnosti od ostatka

Milovan Jevtović je predložio da se motivišu i nova djeca koja nisu registrovana u Savezu. Nije prihvaćen prijedlog jer to ne bi trebao da bude razlog da djeca dolaze u klubove.

Jednoglasno je usvojen prijedlog sistema podjela uz obavezno dostavljanje spiskova i potpis primaoca.

Ad. 3.

Jelena Dojčinović je obavjestila prisutne da je po dogovoru raspisan interni konkurs na koji se prijavio samo jedan kandidat – Nedžad Mirojević.

Jasmin Mehić je rekao da bi i UO trebao biti interes da se prijavi više kandidata. Lično je podržao i Rejmona Horu da se prijavi na konkurs, koji mu je rekao da je to samo formalno. Mehić smatra da prijavljivanje jednog kandidata obara vrijednost odluke. Vlado Lučić se također slaže sa Jasminom jer smatra da je to i na Alpskoj komisiji dosta usmjereno, ali da se radi i o drugarskim odnosima pa neće da se nameću odnosno idu na fer odnos. Činjenica je da je potrebno u budućnosti poraditi na tome da na sljedećem konkursu imamo više kandidata.

Jasmin Mehić je još jednom naglasio da je u narednim godinama potrebno podržati i druge kandidate odnosno da se donese i odluka da ako se na konkurs prijavi samo jedan kandidat da se konkurs ponovi i da se raspiše ranije. Prijedlog jednoglasno usvojen.

Nakon kraće rasprave jednoglasno je usvojeno da je Nedžad Mirojević trener alpske reprezentacije za sezonu 2016/2017.

Ad. 4.

Jelena Dojčinović je objasnila da su spiskove reprezentacije predložile komisije a prema važećim pravilnicima.

ALPSKO SKIJANJE

Jasmin Mehić kao koordinator alpskog skijanja je rekao da se mora dosta raditi na razvoju juniorskih kategorija jer za nekoliko godina ćemo doći u situaciju da nećemo imati takmičara. Naglasio je da će se održati i sastanci gdje će se formirati jedna radna grupa koja će uz alpsku komisiju raditi na ovom problemu. Kada je riječ o dostavljenom spisku reprezentativaca on je sasvim korektan i prema važećem pravilniku.

Vlado Lučić je dao komentar da je zaista šteta da Marko Šljivić bude B reprezentativac s obzirom na njegove FIS bodove i godište. Hasečić je rekao da je to tako i da neće biti iz tog razloga oštećen a da je neophodno da se pravilnik mjenja.

Hasečić je također rekao da je potrebno održati tematsku sjednicu UO na kojoj će se samo razgovarati o problematici alpskog skijanja odnosno omasovljenju Juniorskog i Seniorskog skijanja.

Jednoglasno su imenovani sljedeći članovi reprezentacije u alpskom skijanju.

A reprezentacija:

Igor Laikert

B reprezentacija:

Elvedina Muzaferija

Marko Šljivić

Eman Emrić

Emir Lokmić

Marko Rudić

Juniorska reprezentacija:

Maja Tadić

Dajana Dijaković

Vedran Selak

Dino Terzić

SKI TRČANJE

Jednoglasno su imenovani sljedeći članovi reprezentacije u ski trčanju.

A reprezentacija:

Tanja Karišik
Sanja Kusmuk
Dejana Košarac
Katarina Bogdanović
Mladen Plakalović
Miloš Čolić
Ognjen Škipina
Stefan Lopatić
Strahinja Erić
Stefan Anić

B reprezentacija:

Snežana Borovčanin
Maja Mumović
Marko Starčević
Marko Stanojević

BIATLON

Zdravko Lasica i Miro Đukić se ne slažu sa predloženim članovima Biatlon reprezentacije jer nedostaje Sara Mumović. Također Zdravko Lasica je rekao da se reprezentacija imenuje po prioritetu po rezultatima. Jednoglasno je usvojeno da se prijedlog vrati na Biatlon komisiju.

SNOWBOARD

Jednoglasno su imenovani članovi reprezentacije u snowboardu.

A reprezentacija

Affan Žiško
Stefan Lazarević
Haris Burić

B reprezentacija

Edis Ozturk

Ad.5.

Jelena Dojčinović je obavjestila članove UO vezano za nabavku opreme HH za reprezentaciju alpskog skijanja. Ponuda koju smo zaprimili po veoma niskim cijenama je zahvaljujući našem takmičaru Igoru Laikert koji je razgovarao sa predstavnicima firme. Prijedlog alpske komisije je da se nabavi po ovim cijenama 15 odijela za takmičare i trenere. Dojčinović je naglasila da se radi o izuzetno povoljnoj ponudi a da čak postoji mogućnost da se dobije i niža cijena. Prijedlog Alpske komisije je da Juniorska reprezentacija plati 50% troškova odijela kako bi nabavka opreme bila što optimalnija za Ski savez BiH.

Muris Pozderac je rekao da će pokušati da sa našim firmama proba dogovoriti šivanje odijela po našim zahtjevima naravno ukoliko mogu zadovoljiti uslove po pianju materijala.

Nakon duže rasprave Hasečić je predložio da se glasa za prijedlog nabavke opreme po ovoj cijeni i to iz budžeta koji je odobren za nabavku opremu. Jednoglasno je usvojeno da se krene u proceduru nabavke odijela a o svim eventualnim izmjenama će se obavjestiti UO.

Ad. 6.

Jelena Dojčinović jerekla da su dostavljene prijave za tehničku organizaciju takmičenja i da je neophodno da se prijava izvrši u FIS do kraja Augusta 2016. godine. Hasečić je naglasio da su sve trke u vlasništvu Ski saveza BiH a da se klubovi samo tehnički organizatori.

Kada je u pitanju SES trka Dojčinović je obavjestila da je to FIS trka ali da se finansira od strane SES gdje bi organizator trebao i zaraditi i da se pokrivaju troškovi učesnika. Za organizaciju ovog takmičenja prijavio se SK Romanija. Milovan Jevtović je postavio pitanje koliko će Savez participirati u troškovima organizacije FIS trke. Hasečić je rekao da je budžet za organizaciju takmičenja usvojen i da se to ne može mijenjati.

Vlado Lučić je postavio pitanje kako povećati broj FIS trka ako je već promjenjen sistem finansiranja. Dojčinović je rekla da nije samo promjenjen sistem u organizaciji takmičenja već imamo i problem registrovanih takmičara te da je problem i u tome, da je neophodno da se i na tome radi o čemu posebno trebamo razgovarati.

Jednoglasno je usvojeno da SK Romanija bude tehnički organizator SES trke i jednoglasno su usvojene prijave tehničkih organizatora.

Ad. 7.

- Hasečić je rekao da je potrebno da napravimo tematske sjednice po sportovima kako bi rješavali goruća pitanja. Prijedlog je da već sljedeća sjednica bude na temu alpskog skijanja sa pripremljenim materijalima. Zatim je Hasečić rekao da je potrebno da kao Savez uvedemo dodjelu priznanja zaslužnim ljudima u skijanju koja ćemo uručivati na završnim smotrama. Predlaže da Dojčinović napravi prijedlog akta u vezi toga. Oba prijedloga su jednoglasno usvojena.
- Pozderac je ispred kluba SSK usmeno zatražio da skijaški klub Sarajevo-Istočno Sarajevo promjeni naziv kluba jer ne bi trebao da sadrži naziv Sarajevo. Ukoliko je potrebno to se može i pismeno zatražiti ispred kluba. Zvanično traži da se napravi preregistracija kluba. Smatra da ni Savez ne može registrovati takav klub. Dojčinović je rekla da ne može odbiti papire koji su uredno izdati od nadležnih institucija. Milovan Jevtović je rekao da je naziv Sarajevo-Istočno Sarajevo po zakonu i da sjedište kluba nije u Sarajevu već na Palama i da ne vidi tu problem. Zaključak je da SSK dostavi pismeno zahtjev koji će se uputiti SK Sarajevo-Istočno Sarajevo.
- Dojčinović je upoznala prisutne članove UO o dopisu koji je danas zaprimljen od strane OK BiH a vezano za EYOF 2017. Potrebno je da do 24.08.2016. godine dostavimo spisak potencijalnih kandidata. U dopisu je navedeno da će Savez trebati participirati u troškovima. Na sjednici Predsjedništva je dogvooreno da se informacija pošalje komisijama kako bi napravili prijedloge za jedno muško i jedno žensko po sportu jer zaista Savez nema novaca da finansira odlazak na ovo takmičenje. Dojčinović je rekla da je to sramota OK BiH a ne Ski saveza BiH. Jednoglasno je usvojeno da se pošalje informacija komisijama da predlože po jednog takmičara i takmičarku po sportu.

Sjednica je završena u 19.45 sati.

Originalni materijali sa sjednice Upravnog odbora Ski saveza BiH prilažu se primjerku Zapisnika koji se odlaže u arhivu Ski saveza BiH.

Sarajevo,
11.08.2016.

Zapisnik vodila
Jelena Dojčinović

Predsjednik
Đelal Hasečić